

REFERAT IA - Inoqarfinnut Ataatsimiititaq d. 07-08-2024

Mødedato Onsdag d. 07. august 2024 kl. 14:00

Mødested Kommunalbestyrelsesip ataatsimiittarfiani

Indholdsfortegnelse

Saqqaa.....	3
Oqaluuserisassat akuersissutigineqarneri.....	4
Nalunaarutit.....	5
Ataatsimiititap Tasiilamut angalanissaa, 2024-mi aasap naajartulernerani.....	6
Terianniarneq pillugu ilisimatitsissut.....	8
Bundgarnersorluni aalisarnek aammalu uumatitsivissorneq pillugu maleruaqqusap tamanut tusarnia	11
Inuussutissarsiutigalugu qaleralinnik aalisarnek pillugu maleruaqqusaq pillugu siunnersuutip taman	14
Tamalaat.....	17
Imaqarniliap akuerineqarnera.....	18

Punkt .: Saqqaa

Juaaka Lyberth, **Siulittaasoq** (IA)

Lone Rosengreen Pedersen, **Siulittaasup tullia** (IA)

Harald Bianco, Ilaasortaq (IA)

Dines Mikaelen, Ilaasortaq (S)

Mala Høy Kuko, Ilaasortaq (S)

Beslutning

Ataatsimeeqataasut:

Juaaka Lyberth (IA)

Lone Rosengreen Pedersen (IA)

Attaveqaatitigut peqataavoq:

Harald Bianco (IA)

Dines Mikaelen (S)

Mala Høy-Kúko (S)

Punkt .: Oqaluserisassat akuersissutigineqarneri

.

Beslutning

Oqaluserisassat akuersissutigineqarput.

Punkt .: Nalunaarutit

.

Beslutning

Nalunaaruteqanngilaq.

Punkt 1: Ataatsimiititap Tasiilamut angalanissaa, 2024-mi aasap naajartulernerani

Beslutning

Ilisimatitsissut tusaatissatut tiguneqarpoq

Bilag

Ataatsimiititap Tasiilamut angalanissaa, 2024-mi aasap naajartulernerani

Ataatsimiititap Tasiilamut angalanissaa, 2024-mi aasap naajartulernerani

Siulittaasup aalajangiineranik ilisimatitsissut

Ilisimatitsissut

SagID.: EMN-2024-00966

Suliffeqarfimmut Kiffartuussivik – Kommunaldirektøri Ole Jakobsen / OJAK

Inassuteqaat

Suliffeqarfimmut Kiffartuussiviup Inoqarfinnut Avatangiisinullu Ataatsimiititamut inassuteqaatigaa:

1. ilisimatitsissut tusaatissatut tiguneqassasoq

Suliassamik saqqummiussineq

Kommuneqarfik Sermersuumi qinikkat illoqarfiit nunaqarfiillu pillugit paasisimasaqarnerunissaat ilisimasaqarnerunissaallu kiisalu kommunimi innuttaasunik oqaloqateqarnissaq ataatsimiititap angalanissaanni siunertaavoq. Ataatsimiititap angalaneranni aamma ataatsimiititap namminneq suliassaqarfimminnut tunngasunik paasisaqarnerunissaat isumassarsiortarnissaallu saniatigut periarfissaassaaq.

Kommunalbestyrelsip nalinginnaasumik ataatsimiinnerani, ulloq 12. marsi 2024, ataatsimiititap angalanissaannut aaqqissugaasut qinigaaffiup naanissaanut pisussat akuersissutigineqarput (ilanngussaq 1). Aaqqissugaaneq tamanna malillugu Inoqarfinnut Avatangiisinullu Ataatsimiititap 2024-mi aasap naajartulernerani Tasiilamut angalassaaq.

Ataatsimiititap angalanerminni aallaavittut ikinnerpaamik nunaqarfik ataaseq ilanngullugu angalaffigisassavaat.

Angalanissamut sap.ak. 34 piffissaliunneqarpoq.

Ingerlatsivimmit aningaasatigut sulisoqarnikkullu naliliinerit

2024-mi ataatsimiititap angalanissaanut 950.000 koruuninik immikkoortitsisoqarpoq.

Suliffeqarfimmut Kiffartuussivimmit aningaasatigut naliliineq

Pisariaqanngilaq.

Inatsisitigut tunngavissaq allakkallu tunngaviusumik uppersaatillit

- Ataatsimiititap angalanissaannut pilersaarut
- Kommunit aqunneqarnerat pillugu Inatsisartut inatsisaat (Aqutsineq pillugu inatsit)

Ilanngussaq

1. Siulittaasup aalajangiinera ullulerlugu atsiorneralu

Punkt 2: Terianniarneq pillugu ilisimatitsissut

Beslutning

Ilisimatitsissut tusaatissatut tiguneqarpoq

Terianniarneq pillugu ilisimatitsissut

Ilisimatitsissut

SagsID.: EMN-2024-00956

Sanarfinermut Avatangiisinullu Ingerlatsivik – pisortaq Søren Pedersen / SSKP

Inassuteqaat

Sanarfinermut Avatangiisinullu Ingerlatsivimmit Inoqarfinnut Avatangiisinullu Ataatsimiititamut inassuteqaatigaa:

1. ilisimatitsissut tusaatissatut tiguneqassasoq
2. suliaq Aningaasaqarnermut Inuussutissarsiornermullu Ataatsimiititamut kiisalu Kommunalbestyrelsimut ilisimatitsissutitut ingerlateqqinneqassasoq

Suliassamik saqqummiussineq

Kommunalbestyrelse 2023-mi novembarip 21-anni ataatsimiinnermini 2024-mi terianniaqassutsimik nalimmassaaniarnermut atugassanik kr. 250.000-inik aningaasaliissuteqarpoq.

Ukiuni kingullerni Nuup Paamiullu eqqaanni tutut sarcocystereqalersimaqaat. Tassunga tunngatillugu terianniaqarpallaalersimaneq tunngavilersuutigineqarluni, ajornartorsiutinngorsimasorlu, perlerortunik arlaleriarluni naammattuuisoqartarsimavoq, tamatumalu takutippaa terianniaqarpallaalersimasoq. Terianniaqassutsimik nalimmassaasinnaanerp periarfissaatinneqarnissaanut tunngasoq Kommuneqarfik Sermersuup Piniarnermut Aalisarnermullu Naalakkersuisoqarfimmut ulloq 2024-mi februaarip 26-anni saaffiginnissutigaa. Kommune Naalakkersuisoqarfimmiit akissummik ulloq marsip 7-ianni 2024 tigusaqarpoq, tassanilu Naalakkersuisoqarfimmiit maluginiaqquneqarpoq, Teriannissanik illersuineq piniarnerlu pillugit Namminersorlutik Oqartussat nalunaarutaat nr. 14, 18. oktober 2019-imeersoq naapertorlugu terianniarniarqarsinnaanera.

Akuerisaasumik terianniarsinnaaneq piffissami septembarip 15-ianniit maajip 15-iannut atuuppoq. Teriannissat piffissami maajip 15-ianniit septembarip 15-iannut eqqissisimatitaasarput.

Aammattaaq nalunaarummi paragraf 8-mi kommunalbestyrelse pisinnaatinneqarpoq, maleruaqqusanik iluarsissuteqarluni allanik aalajangersaasinnaasoq kiisalu terianniartarnermut immikkut maleruaqqusaliorsinnaasoq. Kommuneqarfik Sermersooq kommunimi maleruaqqusanik taamaattunik aalajangersaanikuunngilaq.

Teriannissanik tunisisinnaanermut maleruaqqusassanik aamma sulerusissanik ingerlatsivik suliaqarnikuuvoq.

Marsip ulluisa 21-anni 2024-mi ingerlatsivimmiit tamanut saqqummiunneqarpoq, maajip 15-iat 2024 tikillugu teriannissanik tunisisoqarsinnaalertoq.

Teriannissat maajip 15-iat tikillugu pisarineqartut naatsorsorneqarnerini 163-inik amerlassuseqarput, imalu agguataarneqarsimallutik:

Paamiut	teriannissat 2.
Arsuk	teriannissat 2.
Nuuk	teriannissat 97.
Qeqertarsuatsiaat	teriannissat 47.
Kapisillit	teriannissat 15.



Taakku saniatigut terianniaq ataaseq perlerortuuneranik pasinarmat Paamiuniit nassiunneqarpoq.

Teriannissanik tunisisinnaaneq septembarip 15-ianniit periarfissaaleqqissaaq, decembarillu 31-ata tungaanut atuutissalluni.

Ingerlatsivimmit aningaasatigut sulisoqarnikkullu naliliinerit

Teriannissanik 1.000-inik pisaqartoqarnissaanut aningaasaliissuteqarpoq.

Suliffeqarfimmut Kiffartuussivimmit aningaasatigut naliliineq

Pisariaqanngilaq.

Inatsisitigut tunngavissaaq allakkallu tunngaviusumik uppersaattillit

- Teriannissat illersorneqarnerat aamma piniagaanerat pillugit Namminersorlutik Oqartussat nalunaarutaat

Ilanngussat

Soqanngilaq.

Punkt 3: Bundgarnersorluni aalisarneq aammalu uumatitsivissorneq pillugu maleruaqqusap tamanut tusarniaassutiginera

Beslutning

Inassuteqaat itigartitsissutigineqarpoq, imatut oqaaseqaatitalerlugu: suliaq ingerlatsivimmut utertinneqarpoq, nutaamillu allanneqassalluni, kommunit ileqqoreqqusaat maleruaqqusani malinneqannginnerat pissutigalugu.

Bilag

Kommuneqarfik Sermersuumi bundgarnersorluni aalisarneq aammalu uumatitsivissorneq pillugu maleruaqqusaq

Bundgarnersorluni aalisarneq aammalu uumatitsivissorneq pillugu maleruaqqusap tamanut tusarniaassutiginerá

Aalajangiiffigisassaq

SagsID.: EMN-2024-00977

Sanarfinermut Avatangiisinullu Ingerlatsivik – pisortaq Søren Pedersen / SSKP

Inassuteqaat

Sanarfinermut Avatangiisinullu Ingerlatsiviup Inoqarfinnut Avatangiisinullu Ataatsimiititámut inassuteqaatigáa:

1. Kommuneqarfik Sermersuumi bundgarnersorluni aalisarneq aammalu uumatitsivissorneq pillugu maleruaqqusap sapaatip akunnerini arfineq-pingasuni tamanut tusarniaassutigineqarnissáa akuersissutigineqassasóq
2. suliaq Aningaasaqarnermut Inuussutissarsiornermullu Ataatsimiititámut Kommunalbestyrelsimullu tamanut tusarniaassutigineqarnissáa siunertaralugu akuersissutigisassanngorlugu ingerlateqqinneqassasóq

Suliassamik saqqummiussineq

Kommuneqarfik Sermersuumi Aalisarneq pillugu siunnersuisooqatigiit 2023-mi Nuummi aalisarneq pillugu isumasioqatigiissitsivoq, taamanikkullu aalisartut piniartullu peqatigiiffii sinerissameersut peqataapput. Isumasioqatigiinnermi immikkoortut arlallit saqqummiussuunneqarput, kommunip suliaralugit ingerlateqqitassái.

Aalisarneq pillugu siunnersuisooqatigiit ingerlatsivimmut innersuussutigaat, aalisarneq pillugu ileqqoreqqusat piaarnerpaamik nutarterneqarnissáat aallartisarneqassasóq. Maannakkut kommunip ileqqoreqqusái 2014-imeersuupput.

Aalisarneq ukiuni kingullerni ineriartorfiusimavoq, ilaatigut uumatitsiviit atorneqalersimallutik bundgarnersorluni aalisarnermut atatillugu. Aalisarnermi allannguutit pequtaanerullutik ileqqoreqqusat nutarterneqarnissáat kissaatigineqarpoq, taamaalilluni ilaatigut umatitsivinnik atuinissámut malittarisassiortoqarniassámmat.

Siunnersuut suliarineqarpoq najukkani aalisartut piniartullu peqatigiiffiit ileqqoreqqusámut siunnersuutit pissarsiarineqartut tunngavugalugit.

Ileqqoreqqusámi allannguutit pineqarpoq uumatitsivinnik atuínerup nassuiaateqartinnissáa. Uumatitsivinnik atuíneq kommunimut nalunaarutigineqassáaq. Nuup kangerluini uumatitsivinnik atuíneq 65-inut killilerneqarpoq. Aalisakkat sivisunerpaamik ulluni 14-ini uumatitsivinniissinnaapput.

Ileqqoreqqusámut siunnersuut juunip ulluisa 26-iani 2024-mi ataatsimiinnermi siunnersuisooqatigiinnut saqqummiunneqarpoq, Aalisarneq pillugu siunnersuisooqatigiit innersuussutigaat, ileqqoreqqusat taama isikkoqartillugit tusarniutigineqassasut.

Ingerlatsivimmit aningaasatigut sulisoqarnikkullu naliliinerit

Pisariaqanngilaq.

Suliffeqarfinnut Kiffartuussivimmit aningaasatigut naliliineq

Pisariaqanngilaq.

Inatsisitigut tunngavissaq allakkallu tunngaviusumik uppernarsaatillit



- Aalisarnej pillugu inatsisartut inatsisaat nr. 18, 31. oktober 1996-imeersoq
- Kommuneqarfik Sermersuumi bundgarnersorneq pillugu malittarisassat 3. april 2014-meersoq

Ilanngussat

1. Kommuneqarfik Sermersuumi bundgarnersorluni aalisarnej aammalu uumatitsivissorneq pillugu maleruaqqusaq

Punkt 4: Inuussutissarsiutigalugu qaleralinnik aalisarneq pillugu maleruaqqusaq pillugu siunnersuutip tamanut tusarniaassutigineqarnera

Beslutning

Inassuteqaat itigartitsissutigineqarpoq, imatut oqaaseqaatitalerlugu: suliaq ingerlatsivimmut utertinneqarpoq, nutaamillu allanneqassalluni, kommunit ileqqoreqqusaat maleruaqqusani malinneqannginnerat pissutigalugu.

Bilag

Kommuneqarfik Sermersuumi inuussutissarsiutigalugu qaleralinnik aalisarneq pillugu maleruaqqusaq

Inuussutissarsiutigalugu qalerallinnik aalisarneq pillugu maleruaqqusaq pillugu siunnersuutip tamanut tusarniaassutigineqarnera

Aalajangiiffigisassaq

SagsID.: EMN-2024-00952

Sanarfinermut Avatangiisinullu Ingerlatsivik – pisortaq Søren Pedersen / SSKP

Inassuteqaat

Sanarfinermut Avatangiisinullu Ingerlatsiviup Inoqarfinnut Avatangiisinullu Ataatsimiititamut inassuteqaatigaa:

1. Kommuneqarfik Sermersuumi inuussutissarsiutigalugu qalerallinnik aalisarneq pillugu maleruaqqusap sapaatip akunnerini arfineq-pingasuni tamanut tusarniaassutigineqarnissaa akuersissutigineqassasoq
2. suliaq Aningaasaqarnermut Inuussutissarsiornermullu Ataatsimiititamut Kommunalbestyrelsimullu tamanut tusarniaassutigineqarnissaa siunertaralugu akuersissutigisassanngorlugu ingerlateqqinneqassasoq

Suliassamik saqqummiussineq

Kommuneqarfik Sermersuumi Aalisarneq pillugu siunnersuisooqatigiit 2023-mi Nuummi aalisarneq pillugu isumasioqatigiissitsivoq, taamanikkullu aalisartut piniartullu peqatigiiffii sinerissameersut peqataapput. Isumasioqatigiinnermi immikkoortut arlallit saqqummiussuunneqarput, kommunip suliaralugit ingerlateqqitassai.

Aalisarneq pillugu siunnersuisooqatigiit ingerlatsivimmuut innersuussutigaat, aalisarneq pillugu ileqqoreqqusat piaarnerpaamik nutarterneqarnissaat aallartisarneqassasoq. Maannakkut kommunip ileqqoreqqusai 2014-imeersuupput.

Maannakkut qalerallinnik aalisarneq pillugu ileqqoreqqusami atuuttumi, kitaani qassusersorluni qalerallinniarneq inerteqqutaavoq. Inerteqqut Tunumi atuutinngilaq.

Ileqqoreqqusami allannguutissani pineqarput kitaani qassusersorluni aalisarsinnaalernissaq, killimilli. Sumiiffiit ilaanni immikkuullarissuni qassutit atorlugit aalisarfigineqarnissaat suli inerteqqutaavoq. Sumiiffiit qassutit atorlugit aalisarfigeqqusaanngitsut, peqatigiiffiit siunnersuutaat pissarsiarineqartut aallaavigalugit aalajangersaaffigineqarput, aammalu sumiiffii ileqqoreqqusani allattorneqarput.

Aalisarnermi siunnersuisooqatigiit ulloq 26. Juni 2024 ataatsimiinnerminni ileqqoreqqusamut siunnersuut akueraat, ataatsimiititamullu innersuussutigalugu ileqqoreqqusaq taama iluseqartillugu tusarniutigineqarnissaa.

Nuummi Peqatigiiffik Neqitaq siunnersuummut qalerallinnut qassusersorsinnaanissap ammaanneqarnissaa akerleraa, kisianni ileqqoreqqusaq taama iluseqartillugu tusarniutigineqarnissaa taperserpaat.

Ingerlatsivimmit aningaasatigut sulisoqarnikkullu naliliinerit

Pisariaqanngilaq.

Suliffeqarfinnut Kiffartuussivimmit aningaasatigut naliliineq

Pisariaqanngilaq.

Inatsisitigut tunngavissaq allakkallu tunngaviusumik uppersaatillit

- Aalisarnej pillugu inatsisartut inatsisaat nr. 18, 31. oktober 1996-imeersoq
- Kommuneqarfik Sermersuumi inuussutissarsiutigalugu qaleralinnik aalisarnej pillugu maleruaqqusaq 3, april 2014-imeersoq

Ilanngussat

1. Kommuneqarfik Sermersuumi inuussutissarsiutigalugu qaleralinnik aalisarnej pillugu maleruaqqusaq

Punkt .: Tamalaat

.

.

Punkt .: Imaqarniliap akuerineqarnera

.

Beslutning

Imaqarniliaq akuersissutigineqarpoq nal 14.39